

詐爲軍若冒名告給文引久以所給引轉與他人者並杖八十若有經過官司停止去處倒給路引及官豪勢要之人囑託軍民衙門擅給批帖影射出入者各杖一百若軍民出百里之外不給文引者軍以處軍論民以私渡關津論欵此看得前項詎冒給引并倒給路引影射出入及不給引者俱有正律止坐杖罪今客商明給文引在外買賣或不得已而一時不能還鄉以致年遠未曾銷繳者往往有之若拘於前例不分文引新舊一槩釘解又將窩主里隣治罪情弊法重此例可革

定內外官員導從及京官回鄉不許引導并責打吏民例

成化元年十月十五日礼部尚書姚 等

題爲遵復

舊例等事儀制清吏司案呈奉本部送礼科抄出該巡按河南監察御史趙欲題一件禁違僭切見文武官員隨從本爲辟除行人非徒聳人觀美然亦須自揣官品崇卑用之可也在京引導已有定例但在外引導查無事例以此在京各衙門大小官員及進士出外肆無忌憚有用導從六七對者有二人同行共擺十餘對者多役皂隸擺列深爲勞擾小民至於錫繫尤無禁治但係京官出外不顧名分大小及在外有司五品職官

亦皆一槩備用非爲驕奢過當抑且札法不宜  
再得各處三司及直隸府州衛所屬人民但  
仕京者回還道經鄉里地方往往亦皆多擺導  
從責罰吏民父母之邦豈宜如此如蒙乞

勅札部斟酌臣言奏

請定例通行內外衙門合無今後兩京差出官員除各衙  
門堂上五府順天應天二府五品以上并翰林  
院春坊司經局六部各司近侍風憲法司行人  
司俱七品以上官在外除方面并各府運司四  
品以上官許用錫槩連提多不許三對若多官  
同行共用一人導從不許各官通擺其餘京官  
出外及在外五品六品官許用導從二對不許  
僭用錫槩在外七品八品許用一對九品以下

止用一人在前如違許令巡按御史按察司官  
先將隨從拿問器具入官京官及在外五品以  
上者叅奏外官應拿問者拿問及三司并直隸  
府所轄人民除授京官還回鄉里父母之邦不  
許引導責打吏民如違許巡按御史按察司叅  
奏法司拿問如此廢使札法一定而無故違僭  
等之弊具本該通政使司官奏奉

聖旨該衙門知道欽此欽遵抄出送司查得洪武札制官  
員儀從數內止有牙放骨朵立瓜卧瓜等項各  
有等級查無錫槩藤棍制度近年以來京官出  
外及在外方面并五品以上俱用錫槩藤棍  
銅叉綠由禁例以致內外大小官員濫用導從  
各處京官回還鄉里亦皆多擺導從責罰及民



殊無體統有乘風俗御史趙欲所言誠爲有理  
合當通行禁約除在京合用儀從仍照見行事  
理外今後京官出外及在外官員各照品級所  
用錫槩藤棍銅叉等項儀從不許僭越擺列引  
導府州縣催徵竹棍刑杖巡捕用叉刀之類導  
從者不在禁限着回還鄉里本府州縣衛所不  
分大小官員並不許引導責打吏民如有故違  
巡按御史并按察司官嚴加究治應拿問者拿  
問應奏

請者奏請各風憲官僭用亦許指實具

奏緣係禁約事理未敢擅便具題奉

聖旨是欽此

計開

京官出外四品以上引導一對用錫槩銅  
叉藤棍八品以上引導一對用錫槩藤棍  
九品引導一對用藤棍  
在外方面堂上官引導三對用錫槩銅叉  
藤棍各府及鹽運司等衙門四品以上官  
引導二對用錫槩藤棍七品以上引導一  
對用棍八品九品以竹篋一對引導雜戎  
不許引導